

Honnes 577

Was merr su babbeld

Honnes?
Hier bin ich.
Kennsde merr mol ...?
Ja.
Du waaßt joo noch gar nitt was.
Also was soll isch?
Kennsde merr mol in de Keller gieh?
Klar. Was brauchsdn?
Vier ...
Naa.
Warum naa?
Ferr vier Sache brauch isch enn Zeddel.
Awwer dissmol nitt, weil ...
Nix. Vier Sache, enn Zeddel.
Drei Sache konnsde derr behalle, odder?
Drei Sache kann isch merr behalle, ja.
Vier nitt?
Naa, vier nitt.
Dess werdd aach immer schlechter medder.
Was donn?
Dess meddem Behalle.
Iss joo gut, Fraa. Also was iss?
Isch brauch vier ...
Enn Zeddel bitte.
Reesch misch nitt uff.
Isch reesch disch nitt uff, nor ...
Was nor?
Weesche moine Knie.
Was iss mett doine Knie?
Wenn ich zwaamol hinner enonner die
Trebb ...
Ja, die Trebb enunner musst.
Desweesche de Zeddel, dass isch nix ver-
gess. Dissmol ...
Was issen dissmol?
No gut. Hier.
Ah ja, enn Zeddel zum Uffschreiwe.
Du brauchst awwer werklisch kooner.
Doch. Also isch schreib: Ersdens ...
Brauchsde nitt ze schreiwe.
Doch. Also erstens ...
Es dut koo zweitens gewwe.
Awwer du host doch gesaad: Vier?
Du lässt misch joo nitt ausbabbelle.
Also saach wassde willst.
Isch brauch vier ...

Isch krieh die Kränk.
Isch brauch koo vier verschiedene Sache.
Nitt?
Naa, isch brauch vier Kadoffele, mieh nitt.

Eiern Honnes
der soine Leserinne unn Leser scheene
Weihnachde unn alles Gude im neie Johr
winsche dut.